ЯНГИҚЎРҒОН ТУМАНЛАРАРО ИҚТИСОДИЙ СУДИНИНГ АЖРИМИ

(даъвони кўрмасдан қолдириш тўғрисида)

Янгиқўрғон шахарчаси

2024 йил 6 июнь

Янгиқўрғон туманлараро иқтисодий суди судьяси Ж.С.Мусабоев раислигида, судья ёрдамчиси Ш.Халиловнинг котиблигида, Наманган вилоят фермер, деҳқон ҳўжаликлари ва томорқа ер эгалари кенгаши даъвогар "Шурчак Неъмати" фермер ҳўжалиги манфаатида жавобгар "Namangan Paxta Teks" масъулияти чекланган жамиятидан 27 000 000 сўм асосий қарз ва 6 156 000 сўм пеня ундириш ҳақидаги даъво аризаси бўйича юритилган ишни даъвогар ва кенгаш вакили У.Акбаров (ишончнома асосида), жавобгар вакили М.Саттаровлар иштирокида, суднинг ўз биносида очиқ суд мажлисида кўриб чиқиб, қуйидагиларни

АНИКЛАДИ:

Наманган вилоят фермер, деҳқон ҳўжаликлари ва томорқа ер эгалари кенгаши "Шурчак Неъмати" фермер ҳўжалиги (бундан буён матнда даъвогар деб юритилади) манфаатида судга даъво аризаси билан мурожаат қилиб, жавобгар "Namangan Paxta Teks" масъулияти чекланган жамияти (бундан буён матнда жавобгар деб юритилади) ҳисобидан 27 000 000 сўм асосий қарз ва 6 156 000 сўм пеня ундиришни сўраган.

Суд мажлисида даъвогар вакили жавобгар билан медиатив келишув тузилганлигини билдириб, унинг бир нусхасини такдим этиб, даъво аризасини курмасдан колдиришни суради.

Суд мажлисида жавобгар рахбари даъвогар билан медиатив келишув тузилганлигини билдириб, унинг бир нусхасини такдим этиб, даъво аризасини кўрмасдан қолдиришни сўради.

Суд ишдаги тўпланган хужжатларни ўрганиб, даъвогар вакилининг такдим этган медиатив келишуви билан танишиб, даъвогарнинг тушунтиришларини эшитиб, куйидагиларга кўра даъво аризасини кўрмасдан қолдиришни лозим деб топди.

Иш хужжатларига кўра тарафлар ўртасида 2023 йилдаги пахта хом ашёсини етишитириш бўйича шартнома тузилган бўлиб, унга кўра даъвогар хамда жавобгар тегишли мажбуриятларни ўз зиммаларига олишган.

Жавобгар томонидан ўз мажбуриятлари белгиланган тартибда бажарилмаганлиги сабабли шартнома бўйича кўрсатилган микдорда махсулот етказиб берилмаган.

Шунга кўра, кенгаш томонидан даъвогар манфаатида қарздорликни ундириш юзасидан судга даъво аризаси киритилган.

Бирок, суд мухокамаси даврида тарафлар ўртасида, яъни 2024 йил 10 май куни медиатив келишув тузилган.

Ўзбекистон Республикаси Иқтисодий процессуал кодекси (бундан буён матнда ИПК деб юритилади)нинг 107-моддаси 5³-бандида тарафлар ўртасида медиатив келишув тузилган бўлса, суд даъво аризасини кўрмасдан қолдиради, деб белгиланган.

Шунга кўра суд даъвогарнинг даъво аризасини кўрмасдан қолдиришни лозим топди.

Ўзбекистон Республикаси "Давлат божи тўғрисида" ги Қонуни 18-моддаси биринчи қисм 9-бандига кўра агар тарафлар ўртасида медиатив келишув тузилган бўлса, ариза кўрмасдан қолдирилганда давлат божи қайтариб берилади.

Даъвогар манфаатида Наманган вилоят фермер, деҳқон хўжаликлари ва томорқа ер эгалари кенгаши судга даъво аризаси киритилганлиги сабабли, давлат божи тўланмаган.

Шунга кўра, ушбу иктисодий иш бўйича давлат божи ундирилмайди.

Баён этилганларга кўра ҳамда ИПКнинг 107, 195-196-моддаларига асосан суд

АЖРИМ ҚИЛДИ:

Даъво аризаси кўрмасдан қолдирилсин.

Ажрим устидан белгиланган тартибда шикоят қилиш мумкин.

Раислик қилувчи

Ж.С.Мусабоев

